

NotatDato: 08.06.2018
Arkivsak: 2014/20310-12
Saksbehandlar: Iarbirk

Til: Tale Halsør

Frå: Lars Øyvind Birkenes; David J Aasen Sandved

Lussand kraft AS - Søknad om løyve til bygging av Lussand kraftverk - Høyring av endra planar – Avgrensa høyring av detaljplan - Granvin herad - Kulturminnefråsegn

Viser til brev av 18.05.2018 med ovanfor nemnde sak til høyring, vår fråsegn datert 11.12.2014 i samband med planending (vår ref. 2014/20310), samt førespurnad frå Voss Energi Produksjon AS av 19.03.2018 vedrørende kulturminne.

Kulturminne og kulturmiljø

Det gamle tun- og busetnadsområdet Giljarhus og gravhaugen, id. nr. 142950 og 142949, ligg om lag 70-80 meter nordaust og opp for næraste punkt for røyrgate, og vil ikkje verte berørt av tiltaket. Tunområdet er nemnt i gamle diplom fyrste gongen i 1293 og var Lyseklostergods fram til 1849. Elles er det ikkje SEFRAK-registrerte bygningar nærare planlagt tiltak enn 20 til 40 meter, både når det gjeld røyrgate og stasjonsområdet. Sjølve røyrgate skal i all hovudsak fylgja eksisterande veg. Arkeolog frå Fylkeskonservatoren har vore på synfaring i området og vurdert potensial for funn som lite.

Konklusjon

Hordaland fylkeskommune vurderer området til å ha lite potensial for funn av automatisk freda kulturminne. Den omsøkte utbygginga vil ikkje koma i konflikt med kjende automatisk freda kulturminne eller andre verneverdige kulturminne. Me har difor ingen avgjerande merknader i saka, utover at ein under opparbeiding av tiltaka i samband med kraftverket søkjer å unngå inngrep i/skade på eventuelle kulturlandskapstrekk som steingardar, eldre vegar/stiar, bakkemurar, tufter m.m.

Dersom det kjem fram eventuelle funn ved gjennomføring av tiltaket må Hordaland fylkeskommune få melding, og alt arbeid stansast inntil rette forvaltningsmynde har vurdert/nærare dokumentert funnet (jf. kulturminnelova § 8, 2.ledd).